



CHANSON NEVEZ,
VAR SUJET AN EFERIEN.

TOstait d'amselaou, c'houi, mignonet Bachus,
Ha me a zisco dèc'h an etat danjerus
A zo o re henti an hostaliriou
An deveziou pemdez, ar zul hac ar goueliou.

Divarnòn va-unan e teuàn da juji
Peguen riscus e zeo dont da da abandoni
Ar c'horf hac ar madou, alies ar vue,
Da zerc'hel hostisien en o frosperite.

An nep a ve goasqet, nemet diavis ve,
A dle gout en pezh hent e chom ar virione;
Pa meus douguet ar bec'h ha poezet anezàn,
E tleàn gout ive pe boez a zo ennàn.

Bet a meus ur guentel hac a zisq bremâ din,
Pa deuan d'e c'hompren ha d'e c'honsiderin:
Discoelet e deus din eo mat delc'hel rêson,
Evit nep abundanç caout moderation.

Ah! petra laràn-me? caout moderation
A zo un dra boannius, pa zezir ar galon;

Mes gouscoude ê goel combati ar panchant,
Eguet ne dè beva evel un insolant.

Sourcen an oll viçou partout a meus clasqet
Hac ebars er boesson e meus-y rancontret ;
Me a deu d'e guervel mam ar fallagriez ,
A laca an dizurs e kêr ha var ar mêz.

Te a c'heus goneet calz eus a galonou ,
Ha laqet chenchamant en nombr a diadou ,
Ha d'an oll viçou all e telc'hes dôr digor ,
Dre eno calz a dud o deus collet o enor.

Mes ar pez a so voas ebars en pep c'anton ,
An nep a ve troet gant dizurs ar boesson
A dacho da zistrêi ar re all evelte ,
Evit mont assambles da offanci Doue.

Mont a rer a vanden , hep eston na true ,
Da zistruja ar c'horf , da vlessa an ene ;
Var digare laqat an tan var ar c'herniou
E teuer da c'houlen guin eus a bodadou.

Un darn demeus anê , e fin o boutaillad ,
A lavarou neuze : poent ê demp-ni quittât.
Nan , nan , eme darn all ; pa zomp en hostaliri ,
Ha p'ê tommet ar forn , e vo ret e c'hôri.

Neuze e vo clêvet ur garnach , ur brezel ;
Mar be den rêsonabl , vo forcet da devel ;
Ar vertus , ar bon sans a rent coll o droajou ,

Eno neus da veuli nemert ar sottizou.

Entre m'ho po arc'hant e vezot servichet,
Ha pa vec'h ous an dol dre o coublou semplet,
Mar gallit discoel c'hoas arc'hant ur chopinat,
C'houi a vo sicouret da sevel var ho troad.

Beza so hac a gred demeus an cferrien
Eo oblijet an ên da blega d'o lezen;
E tle an douar crena o clêvet o c'homzou,
Ar môr en o lavar ober *tre ha lano*.

Mes chenchit a vuez hac a sonjesonou,
Ar blijadur ne m'ân qet ebars hent ar viçou;
Mar c'heullit ar boesson, an deboch, an ebat,
E santfot ordinal un dra ous ho piçat.

Ho conscianç a vo hac en deiz hac en nos
O clasq e chenchamant hac o c'houlen repos;
Roit dei be mennat ha chenchit hep appel,
Hirroç'h vo ho puez, hoc'h ene a vo voell.

Arretit ur moment da sellet ouz ar bed,
Hac e velfot varni calz a dud ruinet;
O re henti ar boesson ha compagnunez fall,
Eus forcet, hep fusuill, uu nombr da chasseal.

Pa vezot oc'h eva, e velfot filoutet
Oc'h ober an dro d'êc'h, hac int oll o laret:
Ho famill en antier a zo a galite,
Tud a fêçon int tout, c'houi zo den brao ive.

N'hon eus ezom da c'hout mat hon ano bade ,
 A rest a ouzomp tout deus eclat ho ligne ,
 A so dre oll meulet , caret e peb contre ,
 Ha c'houi oc'h eus patant an ær demeus ane.

Mar bec'h en ho coase e safot en ho sa :
 Allon ta , hostizes , amàn guin ha bara ;
 Mes e fin ar regal ar re-màn ya n'o rout ,
 Hac ar scoden so grêt a goe en ho cont tout.

Ha c'houi no po evet nemet ur voutailad ,
 O pezo da bêa marteze dec podad ;
 Mes ma visac'h er guêr , c'houi a ve calz furoc'h ,
 Neuze ne bêfac'h qet ober goab ac'hanoc'h.

Eur veach ha mo po implijet ho madou ,
 Ho prassa mignonet genta ho tilezo ;
 Mar gueont ho pete vo gant ur pas gorrec :
 Da goad ar baourente ne yêr qet o redec.

Mes ne c'hortozit qet ar bed oll da laret
 E vo ur vuez fall an hini a heuillet ;
 Camaradet ho po , hervez ho fantasi :
 Ne zeus qet a viçou n'o deus tud d'o meuli.

Ne gredit qet e ve ar bed oll drouc-contant
 O velet ac'hanoc'h o tispign hoc'h arc'hant :
 Pa vez unan o coll , eguile a c'hone ,
 Rac ral e'r maleuriou n'eus profit aneze.

Oll yaouanqis va bro , ebars en honestis

En em darempredit goude fin an Ofiç ,
 Ha lezit ar boesson da guemer e repos ,
 Rac eus a vil maleur e zeo én ar pen-cos.

Ha c'houi, tud ancien, demezet ha da zemezi,
 N'en em antêtit qet gant an hostaliri ;
 Ne deut qet da vaga ar viç-se en ho calon :
 Ar peoc'h ne chom qet pell etouës re a voesson.

Eur merq a union entre ar vignonet ,
 Eo eva ur bannac'h hep beza direglet :
 Grit usach vad gantàn bars en compagnunez ,
 Mes tachit da viret ar rêson vit mestres.

Pa zo deut guin er vro eo deut evit eva ,
 Mes nê qet a urz vad n'em ruina gantâ ;
 Rac goude re a cher ec'h arru *Paourente* ,
 Na ve qet e-uan , *Qerse* a deu ive.


Cetu amâ bremâ ar fin eus va c'hentel :
 Heuillit-hi avichou , ha lest tizan Bourdel ;
 Moderi a lerer a so mat vit nep fest ,
 Consultit ar rêson , hi laro dêc'h ar rest.

Mes bremâ, va Chanson, p'è guir oc'h finisset,
 Sinet eo ho pass-port : it elec'h mar qeret ;
 Ha mar bec'h attaqet neus fors bars e pez bro,
 Retornit var ho qiz, va merc'h m'oc'h auzavo.

E zàn d'oc'h instrui aroc ma partifet :
 Ne zonjit qet e vec'h gant an oll dud meulet ,

Rac qen ral è guelet c'hoant an oll ebars er vro,
Ha m'e guelet an urz vat en hostaliriou.

F I N.



ERUSTET PAUTR AR GUIN.

Var ton : *Ma Commère, quand je danse.*

TRI zraic ordinalamant
A glasqer da bossedi :
 Eur vreguic coant, guin hac arc'hant,
 M'em bez re'ganto o zri.
 Bo, bo tud gourmand, *bis.*
 Eo ar seurt-se, eo ar seurt-se ;
 Bo, bo tud gourmand, *bis.*
 Guell eo guin eguet arc'hant.

Eur vreg e penn ho tieguez
 A rai deoc'h meur a chagrin ;
 Foei var ur seurt marc'hadourez ;
 Guell eo e-lz ur banne guin.
 Bo, bo tud dallet *bis.*

Eo ar seurt-se , eo ar seurt-se ;
 Bo , bo , tud dallet , *bis.*
 Güell eo guin eguet merc'het.

Ne c'houzanvàn qet a arc'hant
 Da louëda bars em godel ;
 An hostizien comunamant
 Anezàn tout a zo vell.
 Bo , bo , tudou chin , *bis.*
 Grit eveldòn , grit eveldòn ;
 Bo , bo , tudou chin , *bis.*
 Guell eo calz ur banne guin.

C'houi gant merc'het , c'houi gant arc'hant ,
 A zonch beza dizoursi ;
 Me , gant guin , a zo pautr contant ,
 Hac en ev betec al li.
 Bo , bo , tudou chin , *bis.*
 Grit eveldòn , grit eveldòn ;
 Bo , bo , tudou chin , *bis.*
 Ne zeus par d'ur banne guin.

Evit va renta-me laouen ,
 Digassit din boutaillad ;
 Ne mon qet e chal gant moyen ,
 Nemet em bezo guin mad.
 Bo , bo , tudou chin , *bis.*
 Grit eveldòn , grit eveldòn ;

Bo , bo , tudou chin , *bis.*
 Ne zeus par d'eur banne guïn.

Va oll chagrinou a veuzàn ,
 P'am bez guïn diouc'h va zec'het ;
 Gant netra nec'het ne vezàn ,
 Eur vech ma vez din tommet.

Bo , bo , tudou chin . *bis.*

Grit eveldòn , grit evellèn ;

Bo , bo , tudou chin , *bis.*

Ne zeus par d'ur banne guïn.

FIN.



E Montroulez , e ti LÉDAN , e traon ru ar Vur.